

KERATAN: Harian Ekspres

TARIKH: 19-3-2013

M/S: C

Upacara Mongungkias

HE 19/3/13



SEKUMPULAN Tantagas (pakar ritual Suang Lotud) pada hujung minggu lepas di Tuaran, melakukan upacara *Mongungkias do Rinda* – ritual untuk menghindarkan makhluk perosak tanaman, seperti tikus, burung pipit dan sebagainya.

Upacara yang diadakan kira-kira 10 tahun sekali ini juga dijalankan bagi memohon 'penjaga' kepada makhluk perosak agar tidak mengganggu tanaman kepunyaan manusia.

Rinait (bacaan mantera) yang digunakan oleh Tantagas meliputi ruang dari langit ke bumi.

Empat zon di daerah Tuaran – Bantayan, Telibong, Marabahai dan Selupoh – terlibat dalam ritual ini.

Penduduk kampung di setiap zon akan membawa gumpalan tanah atau rumput dan sebagainya, sebagai simbolik kepada 'rinda' (makhluak perosak), yang dimasukkan ke dalam sebuah perahu kecil yang diletak di atas rakit.

Ritual bermula di balai raya sebelum beralih ke tepi sungai di mana upacara pengorbanan dijalankan dan rakit tersebut dihanyutkan. *Mongungkias do Rinda* adalah antara ritual Suang Lotud yang jarang disaksikan selain upacara besar lain seperti Mamahui Pogun (ritual pembersihan dunia). – Ricardo Unto